



JAVNO PREDUZEĆE
ŠUMSKO PRIVREDNO DRUŠTVO
ZENIČKO – DOBOJSKOG KANTONA
d.o.o. ZAVIDOVIĆI

Alije Izetbegovića br. 25
Tel. 032 877 834; Fax 032 879 029

Upisano u Registar Kantonalnog suda u Zenici
pod brojem: I-9014, Rješenje br. U/I 916/04
ID br.: 4218431050005
PDV b.r.: 218431050005 Por. br.:05072148
Transakcijskiračuni:
Union banka d.d. Sarajevo 1020320000013296
IK banka d.d. Zenica 1340300000062287
UniCredit banka Mostar 3384202214508407
Raiffeisen banka Sarajevo 1610550016400016

P R A V I L N I K

o zaštiti upravljanju i održivom korištenju ribljeg fonda u vodotocima na području Spomenika prirode „Tajan“

Zavidovići, 2015. godina

Na osnovu člana 9. Statuta Javnog preduzeća „Šumsko-privredno društvo Zeničko-dobojskog kantona“ d.o.o. Zavidovići, Nadzorni odbor preduzeća, dana __. __. 2015. godine donio je:

P R A V I L N I K

o zaštiti upravljanju i održivom korištenju ribljeg fonda u vodotocima na području Spomenika prirode „Tajan“

Član 1.

Ovim pravilnikom se određuju vodotoci koji se nalaze na teritoriji zaštićenog područja Spomenik prirode „Tajan“ odnosno pod upravom JP ŠPD ZDK d.o.o. Zavidovići, zaštita, upravljanje i održivo korištenje ribljim fondom na zaštićenom području Spomenika prirode „Tajan“, zatim lica koja su zadužena za zaštitu ribljeg fonda, nadležnosti službenih lica, te propisuju mjere prema otkrivenim počiniteljima.

Član 2.

Cilj donošenja ovoga pravilnika jeste očuvanje prirodnog okoliša i stvaranja optimalnih uslova za uzgoj i očuvanje ribljeg fonda u vodama na širem području Spomenika prirode „Tajan“, odnosno spriječavanje nedozvoljenih aktivnosti koje dovode do daljnje degradacije staništa te opadanja populacije ugroženih i rijetkih vrsta putem krivolova.

Član 3.

Zakon o slatkovodnom ribarstvu Federacije BiH u članu 3. je propisao da su ribolovne vode sve slatke vode, osim voda, u posebno zaštićenim dijelovima prirode proglašenim na osnovu posebnog zakona.

Na sve odnose, nadležnosti, prava i obaveze koje nisu regulisane ovim pravilnikom primjenjivat će se odredbe Zakona o slatkovodnom ribarstvu Federacije BiH, Pravilnici i drugi opći pozitivni pravni akti koji tretiraju ovu oblast.

Član 4.

Zakon o proglašenju Spomenika prirode „Tajan“ odredio je granice obuhvata zaštićenog područja, a upravljanje zaštićenim područjem povjereno je JP ŠPD ZDK d.o.o. Zavidovići, (Upravitelj) koje je putem Poslovne jedinice Spomenik prirode „Tajan“ obavezno da obezbjeđuje zaštitu, upravljanje i održivo korištenje prirodnih, hidroloških i drugih vrijednosti područja.

Član 5.

Radi održivog korištenja, upravljanja i zaštite ribljeg fonda ovim Pravilnikom se propisuje zabrana ribolova, bez dozvole Upravitelja zaštićenog područja Spomenika prirode „Tajan“ na jezeru Mašica te na sljedećim vodotocima koje se nalaze na zaštićenom području i to:

- Suha (koja predstavlja najveći hidrološki objekat zaštićenog područja),
- Trbušnica (sa pritokama Mašica i Rujnica),
- Lužnica,
- Tajašnica
- Botašnica,
- Sadevica,
- Sajeвица

Član 6.

Na zaštićenom području zabranjeno je:

- 1) loviti, posjedovati i uništavati riblju mlad i primjerke ribe u vrijeme mrijesta i lovostaja;
- 2) loviti, prerađivati i stavljati u promet za vrijeme lovostaja za potočnu pastrmku (*Salmo trutta m. fario* L.) i jezersku pastrmku (*Salmo trutta m. lacustris* L.) od 1. oktobra do 28. februara;
- 3) loviti ribu neposredno rukom, loviti ribe ispod propisane dužine (za pastrmku do 25 cm) i količinu veću od pet pastrmki dnevno;
- 4) loviti ribu eksplozivom i drugim rasprskavajućim sredstvima, harpunom, ostima, podvodnom puškom i drugim zabranjenim ili nedozvoljenim sredstvima i alatima, vatrenim oružjem, strujom, vještačkim izvorom svjetlosti ili hemijskim i drugim sredstvima koja ubijaju, truju ili omamljuju ribu;
- 4) pregrađivati vodeni tok privremenim ili stalnim pregradama koje ometaju prolaz ribe, ako to nije predviđeno investiciono-tehničkom dokumentacijom za izgradnju, odnosno rekonstrukciju objekata ili postrojenja, osim za hidroenergetska postrojenja za koja postoje validna odobrenja nadležnih institucija.
- 5) loviti noću pastrmku, rakove, i druge ribe;
- 6) zatvarati, odvrćati i iscrpljivati vodu iz ribolovne vode, ako se time prouzrokuje opasnost za opstanak ribe;
- 7) naglo, tehnički neopravdano, ispuštati vodu iz prirodnih i vještačkih jezera i drugih akumulacija ako se time prouzrokuje opasnost za opstanak ribe;
- 8) ometati postavljanje znakova kojima se obilježava zaštićeno područje, riblje plodište, prirodno dobro, ribnjak ili ribolovna voda za ribolov pod posebnim uslovima i mjestima na kojima je ribolov zabranjen, kao i vršiti oštećivanje i premeštanje znakova;
- 9) sprečavati spašavanje ribe i riblje mladi, sa zemljišta koje je poplavljeno;
- 10) kretanje licu bez dozvole za ribolov sa sredstvima i alatima za ribolov van puteva na zaštićenom području oko vodotoka.
- 11) držanje alata i sredstava za privredni ribolov i elektroribolov u objektima, vozilima koja se nalaze na zaštićenom području;
- 12) loviti ribu potezanjem, odnosno kačenjem udicom za tijelo – grabuljanjem;
- 13) sprečavati, na bilo koji način, čuvara u izvršavanju zadatka;
- 14) spriječavati ili ometati lica koja posjeduju dozvolu za za rekreativni ribolov da obavljaju isti;
- 15) postavljanje ograda ili bilo kakvih prepreka kojima se sprečava pristup čuvara zaštićenom području;

16) zagađivati ribolovnu vodu štetnim i opasnim materijama koje mogu mijenjati ili pogoršavati ustaljeni kvalitet ribolovne vode i na taj način ugrožavati riblji fond;

17) posjedovanje ribe koja je ulovljena suprotno odredbama ovog Pravilnika.

18) u ribljim plodištima da se vadi šljunak, pijesak, kamen, klade i panjevi i da se napasa stoka i ne upuštaju plovke, a u vrijeme mrijesta ribe da se ne vrše i druge radnje koje ometaju mrijest;

19) da se vrši nedozvoljeno plavljenje balvana, drvene grade i ogrjevnog drveta;

20) da se ne skuplja ikra i ne uništavaju ili kvare mjesta na kojima se vrši mriještenje

Član 7.

Na zaštićenom području u vodotocima dozvoljeno je loviti ribu sportsko rekreativnim načinom ribolova na način i pod uslovima utvrđenim ovim pravilnikom.

Ribari koji žele obavljati sportsko-rekreacioni ribolov na određenom zaštićenom području mogu to činiti pod uslovom da imaju dozvolu za lov riba u sportsko-rekreacionom ribolovu.

Dozvole se kupuju od Upravitelja zaštićenog područja za određeno ribolovno područje ili ribolovnu zonu.

Dozvola može biti "dnevna" i "vikend" dozvola.

Dozvola je sačinjena u obliku i sadržaju navedenom u prilogu ovog pravilnika.

Član 8.

Na obrascu dozvole, koji je štampan uz ovaj pravilnik i čini njegov sastavni dio (Prilog), upisuju se sljedeći podaci:

1. ime (ime oca) i prezime ribara;
2. JMBG;
3. adresa stanovanja ribara (mjesto, ulica i kućni broj);
4. broj l.k./pasoša;
5. datum izdavanja dozvole i važnost dozvole;
7. potpis lica koje je prodalo dozvolu ribaru;
8. pečat.

Član 9.

Prije izlaska na ribolovnu vodu, Lice ovlašteno za izdavanje dozvola obavezno upisuje datum izlaska i naziv ribolovne vode u obrazac Dozvole koji je štampan uz ovaj pravilnik i čini njegov sastavni dio (Prilog)

Član 10.

Na kraju ribolovnog dana ribar obvezno upisuje dnevni ulov za svaku vrstu ribe posebno, količinu i težinu ulovljene ribe u obrazac "popis ulova" koji je štampan uz ovaj pravilnik i čini njegov sastavni dio (Prilog)

Član 11.

Datum i vrijeme upisan u dozvoli označava početak i završetak prava obavljanja sportsko-rekreativnog ribolova.

Dnevna dozvola važi za dan naveden u dozvoli.

Vikend dozvola važi od 07,00 sati u subotu do 18,00 sati u nedjelju, datuma navedenih u dozvoli. Upravitelj zaštićenog područja je dužan, prilikom izdavanja dozvola, obavijestiti ribara o granicama ribolovnog područja ili ribolovne zone za koju je dobio ribolovno pravo, kao i o dopuštenim ribolovnim alatima, opremi, mamcima i mjerama zaštite riba.

Član 12.

Izradu i štampanje dozvola za ribolov zaštićenom području vrši Upravitelj.

O izdatim dozvolama vodi se evidencija u registrima Upravitelja.

Upravitelj zaštićenog područja, koji izdaje dozvolu, potvrđuje dozvolu potpisom ovlaštenog lica i pečatom i na obrazac dozvole upisuje podatke ribara.

PJ SP "Tajan" koja izdaje dozvole, dužna je svakih 3 mjeseca dostaviti Upravi JP ŠPD-ZDK d.o.o. Zavidovići izvještaj koji se sastoji od: evidencije izdanih dozvola, osnovnim podacima o ribarima i prihodima.

Član 13.

Radi zaštite i čuvanja ribljeg fonda i priobalnog pojasa i okoline od destruktivnog ponašanja pojedinaca i organizacija na zaštićenom području Upravitelj je organizovao čuvarsku (lovočuvarsku/ribočuvarsku) službu. Čuvarsku službu obavljaju čuvari koji moraju biti stručna lica ovlaštena i zadužena od strane Upravitelja zaštićenog područja te opremljena za obavljanje poslova čuvanja (uniforma, čizme, mobitel i prevozno sredstvo).

Čuvari imaju legitimaciju i značku/amblem kojima se dokazuje njegovo službeno svojstvo, identitet i ovlaštenja. Legitimaciju i značku, te oblik i sadržaj legitimacije i značke čuvaru izdaje Upravitelj zaštićenog područja.

Organizacija, rad i ovlaštenja čuvarske službe propisana je ovim pravilnikom, zatim Pravilnikom o unutarnjem redu i čuvarskoj službi Spomenika prirode „Tajan“ i drugim općim i internim pozitivnim pravnim aktima.

Član 14.

Prilikom obavljanja svoje djelatnosti čuvar je ovlašten da:

- kontrolira da li se ribolov i druge radnje na zaštićenom području i ribolovnoj vodi obavljaju prema odredbama Zakona o slatkovodnom ribarstvu, propisima donesenim na osnovu Zakona i internim aktom korisnika kojim se uređuje zaštita, upravljanje i korištenje ribljeg fonda.
- od lica koja zatekne na zaštićenom području zatraži dozvolu za obavljanje ribolova,
- od lica koje zatekne u krivolovu odnosno za koje posumnja da se kreće u zaštićenom području sa namjerom krivolova zatraži ličnu kartu ili drugu ispravu na osnovu koje može utvrditi njegov identitet,
- ukoliko lice u ribolovu odbije da se legitimira, čuvar je dužan da bez sukoba potraži drugi izvor moguće identifikacije (registarski broj automobila ili motocikla, svjedoka koji poznaje lice koje izbjegava identifikaciju i sl.);
- ukoliko to nije moguće, pozvaće mobilnim telefonom patrolu MUP-a
- ukoliko čuvar u radu zatekne više lica koja vrše kazneno djelo na zaštićenom području, mora obezbijediti pomoc MUP-a, pa tek onda pokušati identifikovati i legitimisati lica koja vrše ribokradu.

Član 15.

Kada utvrdi protivzakonito postupanje čuvar je ovlašten da:

- upozori lice na zabranu lova u zaštićenom području,
- naloži da se ulovljena riba vrati u vodu i opomenuće ribara na zakonsku obavezu poštivanja zaštićenog područja,
- ukoliko ulovljena riba više nije živa, čuvar će zapisnički oduzeti pribor kojim je izvršen ribolov sa ulovom i sačiniti zapisnik o zapljeni,
- ako čuvar privremeno oduzme ribolovni alat, opremu za ribolov ili ulov, dužan je u roku od 24 sata o tome sastaviti zapisnik i dostaviti ga Rukovodiocu Poslovne jedinice
- ukoliko čuvar u radu pronađe mreže, alate i druga sredstva za ribokradu, dužan je obezbijediti podršku MUP-a
- noćni obilazak i čuvara moraju biti u dogovoru sa MUP-om

Član 16.

Licu kojem je privremeno oduzet ribolovni alat, oprema za ribolov ili ulov izdaje se potvrda o tačno označenim predmetima ili ulovom po vrsti i količini.

Čuvar je ovlašten da privremeno oduzme i druge predmete pronađene na licu mjesta, ako postoji osnovana sumnja da su upotrijebljeni ili bili namijenjeni za izvršavanje prekršaja ili su nastali ili pribavljeni izvršenjem prekršaja.

S privremeno oduzetim ribolovnim alatom, opremom za ribolov ili ulovom, Upravitelj zaštićenog područja ne može raspolagati (uništiti, prodati, predati, darovati, zamijeniti i sl.), do okončanja prekršajnog postupka ili postupka pred drugim nadležnim organom.

Zapisnik i potvrda se koriste u prekršajnom postupku kao dokaz uz prijavu za pokretanje prekršajnog postupka koju podnosi organ Upravitelja.

Član 17.

Osobe koje se zateknu u krivolovu su dužne čuvarima omogućiti obavljanje nadzora i pružiti im sve potrebne podatke i obavijesti u vezi sa obavljanjem čuvarskog nadzora.

Član 18.

U slučaju zagađenja ribolovne vode čuvar je dužan odmah obavijestiti korisnika ribljeg fonda – Upravitelja, utvrditi i evidentirati činjenično stanje, uzeti uzorke zagađene vode i eventualne uginule ribe na propisani način i dostaviti Upravitelju koji će uzorke poslati na analizu ovlaštenoj instituciji te nakon provedene analize nalaze staviti na raspolaganje mjerodavnom općinskom ili kantonalnom organu.

Član 19.

Kad utvrdi povredu iz članka 22. ovog pravilnika čuvar je dužan o tome odmah obavijesti mjerodavni Upravitelja a Upravitelj općinski ili kantonalni organ radi donošenja odluke o podnošenju zahtjeva za pokretanje prekršajnog postupka, odnosno radi podnošenja prijave javnom tužitelju mjerodavnom za pokretanje postupka zbog nedozvoljenog djela.

Član 20.

Upravitelj zaštićenog područja dužan je preduzimati potrebne mjere za vraćanje riba u vodotoke sa zemljišta koje je poplavljeno. Korisnik zemljišta koje je poplavljeno dužan je omogućiti spašavanje riba i riblje mladi sa tog zemljišta.

Riba koja se nalazi na zemljištu koje je bilo poplavljeno pripada Upravitelju zaštićenog područja.

Član 21.

Upravitelj zaštićenog područja dužan je preduzimati sve potrebne mjere za zaštitu vodotoka od uticaja štetnih i opasnih materija koje mogu mijenjati ili pogoršavati ustaljeni kvalitet vode ili dijela vode i na taj način ugrožavati riblji fond, spriječavati odlaganje otpadnog materijala u blizini vodotoka, izbjegavati poribljavanje nekvalitetnom i bolesnom ribom, ribljom mladi i oplodenom ikrom, ne pregrađivati vodeni tok privremenim ili stalnim pregradama koje ometaju prolaz ribe, zatvarati, odvrćati i crpiti vodu iz vodotoka, ako to uzrokuje opasnost za opstanak ribe, naglo ispuštati vodu iz prirodnih i vještačkih jezera i drugih akumulacija, ako se time uzrokuje opstanak ribe.

Član 22.

Pravilnik o zaštiti, upravljanju i održivom korištenju ribljeg fonda u vodotocima na području Spomenika prirode „Tajan“ je dostupan javnosti i svako ima pravo uvida u isti.

Član 23.

Izmjene i dopune ovog Pravilnika donosi Nadzorni odbor preduzeća.

Član 24.

Ovaj Pravilnik stupa na snagu danom donošenja od strane Nadzornog odbora JP ŠPD ZDK d.o.o. Zavidovići.

Broj:
Zavidovići, _____.2015. godine



Predsjednik Nadzornog odbora
JP ŠPD ZDK d.o.o. Zavidovići

[Handwritten signature]

IZVOD IZ PRAVILNIKA O
NAČINU, ALATIMA I
SREDSTVIMA KOJIMA SE
OBAVLJA RIBOLOV

Sportsko-rekreativni ribolov salmonidnih vrsta riba (svih vrsta pastrmke, smije se obavljati samo s jednim ribolovnim štapom.

Ribolovni štap iz stava 1. ovog člana smije imati najviše jedan umjetni mamac (mušicu ili varalicu), bez utega.

Ribe se ne smiju loviti: neposredno rukom, ispod propisane dužine (za pastrmku do 25 cm) i količinu veću od pet pastrmki dnevno.

Propisana dužina predstavlja totalnu dužinu tijela ribe, mjereno od početka usta (vrh rila) do vrha dužeg kraka repnog peraja.

korisnik ribolovnog prava

broj

U _____, dana _____ godine.
(mjesto)

Na osnovu člana 41. stav 3. Zakona o slatkovodnom ribarstvu ("Službene novine Federacije BiH", broj 64/04), čuvar sačinjava Upravitelju

ZAPISNIK

Ovime se konstatuje da je dana _____ godine, _____

(ime i prezime osobe)
ime oca _____, rođen-a _____, u mjestu _____

općina _____, država _____ s prebivalištem
u _____, ulica i kbr. _____,

općina/grad _____, država _____ i s ličnom kartom/
JMBG _____, izdanom u _____

dana _____, počinio-la:
(datum)



(opisati izvršene radnje i navesti članove Zakona o slatkovodnom ribarstvu, koji ih regulišu, te navesti relevantne podatke za tok postupka – eventualne svjedoke, njihove iskaze i sl.)

ČUVAR

(potpis)

I. ČUVARSKA ISKAZNICA
prednja strana:

poledina:

JP ŠPD ZDK d.o.o. Zavidovići Spomenik prirode „Tajan“	
FOTOGRAFIJA	<p>Nosilac ove iskaznice ima ovlasti utvrđene: Zakonom o slatkovodnom ribarstvu, Pravilnikom o zaštiti upravljanju i održivom korištenju ribljeg fonda u vodotocima na području Spomenika prirode „Tajan“, Pravilnikom o unutarnjem redu i čuvarskoj službi Spomenika prirode „Tajan“ i drugim važećim propisima.</p>
  ČUVARSKA ISKAZNICA	
ime i prezime	Upravitelj zaštićenog područja
broj lične karte	JP ŠPD ZDK d.o.o. Zavidovići
	Spomenik prirode „Tajan“
	mjesto i datum izdavanja



JAVNO PREDUZEĆE
ŠUMSKO PRIVREDNO DRUŠTVO
ZENIČKO – DOBOJSKOG KANTONA
d.o.o. ZAVIDOVIĆI

Alije Izetbegovića br. 25
Tel. 032 877 834; Fax 032 879 029

Upisano u Registar Kantonalnog suda u Zenici
pod brojem: I-9014, Rješenje br. U/I 916/04
ID br.: 4218431050005
PDV b.r.: 218431050005 Por. br.:05072148
Transakcijskiračuni:
Union banka d.d. Sarajevo 1020320000013296
IK banka d.d. Zenica 1340300000062287
UniCredit banka Mostar 3384202214508407
Raiffeisen banka Sarajevo 1610550016400016

Cjenovnik za sportsko - rekreativni ribolov

1	Dnevna dozvola od 07,00 – 18,00	10,00 KM
2	Vikend dozvola od 07,00 subota – 18,00 nedjelja	15,00 KM

Ovaj Cjenovnik stupa na snagu danom donošenja od strane Nadzornog odbora JP ŠPD ZDK d.o.o. Zavidovići.

Broj: 02-E-132/15
Zavidovići, 04. 09. 2015. godine



Predsjednik Nadzornog odbora
JP ŠPD ZDK d.o.o. Zavidovići

Berković



JAVNO PREDUZEĆE
ŠUMSKO PRIVREDNO DRUŠTVO
ZENIČKO – DOBOJSKOG KANTONA
d.o.o. ZAVIDOVIĆI

Alije Izetbegovića br. 25
Tel. 032 868 341 ; Fax 032 879 029

Upisano u Registar Kantonalnog suda u Zenici
pod brojem: I-9014, Rješenje br. U/I 916/04
ID br.: 4218431050005
PDV b.r.: 218431050005
Por. br.: 05072148
Transakcijski računi:
Union banka d.d. Sarajevo 1020320000013296
IK banka d.d. Zenica 1340300000062287

NADZORNI ODBOR

Broj : 02-E-132/15

Datum: 04.09.2015. godine

Na osnovu člana 9. Statuta Javnog preduzeća „Šumsko-privredno društvo Zeničko-dobojskog kantona“ d.o.o. Zavidovići (Službene novine Zeničko-dobojskog kantona broj:13/05; 21/07; 13/08; 7/11; 9/11 i 12/12) i člana 28. Poslovnika o radu Nadzornog odbora Javnog preduzeća „Šumsko-privredno – društvo Zeničko-dobojskog kantona“ d.o.o. Zavidovići (Službene novine Zeničko-dobojskog kantona broj:13/05), Nadzorni odbor društva putem elektronske pošte i telefona dana 04.09.2015.godine donio je slijedeću:

ODLUKU

I

Ovom odlukom usvaja se Pravilnik o zaštiti upravljanju i održivom korištenju ribljeg fonda u vodotocima na području Spomenika prirode „Tajan“ u Javnom preduzeću „Šumsko-privredno društvo Zeničko-dobojskog kantona“ d.o.o. Zavidovići.

II

Sastavni dio odluke čini Pravilnik iz člana I odluke.

III

Ova odluka stupa na snagu danom donošenja i ista će biti verifikovana na narednoj sjednici Nadzornog odbora .

Dostavlja se:

1. Nadzorni odbor J.P. „ŠPD ZDK“ d.o.o. Zavidovići
2. Uprava J.P. „ŠPD ZDK“ d.o.o. Zavidovići
3. P.J. Spomenik prirode „Tajan“



PREDSJEDNIK
NADZORNOG ODBORA

Osman Brkićević
Osman Brkićević, dipl.ing.maš.